



07226

鄭山齋先生文集卷之



墓誌銘

曾孫 炫編梓

明奉議大夫山東按察司僉事穀齋林公

墓誌銘

甫世族稱姑青林氏宋有回年公者嗜義樂施
甞剏紅泉義學延族子艾軒講授伊洛之學四
方學徒至者咸館穀之平在積陰澤以惠利人

山齋集

卷之六

人至于今子孫獨盛其錫類象賢若穀齋者廼

其十二世孫也諱典字汝惇行純五曾大父稔

贈會州衛經歷大父穀累官揚州府同知進階

朝列大夫父憲領鄉薦為秀水訓導母黃氏生

母姚氏產公于秀庠長娶叅政黃公譽女林與

黃世授業壁經至公尤精舉成化丁酉鄉薦名

第十梓其文甲辰會試乙榜授冠縣教諭丁母

黃氏憂服除改西安教諭其地材素乏公嚴立

條教日與諸生講解風雨寒暑不少輟自是科

條教日與諸生講解風雨寒暑不少輟自是科

目繼起提學吳公伯通稱爲浙師儒第一司寇
彭惠安公每舉爲司教者式兩京廣西連聘校
文所至稱得人擢鄖陽府學教授鄖陽新設郡
治材尤乏公擇其年少質敏者悉令改經親爲
講解如西安時贄儀盡卻或捐俸以資其貧士
習爲變有曾得祿者遂以書經魁湖省連登甲
第而人文漸闢矣主考廣藩謁陳白沙張東所
廷實亦來會談論理奧累日廼別白沙喜謂人
曰自吾與莆人友惟林汝惇天資逝道可遠到

山齋集

卷十八

也撫治都御史陳公清薦爲宜城知縣宜城縣
小當孔道公儒者素未臨民或難之至則百廢
俱舉若素習於吏然治爲諸邑最撫巡藩臬交
薦擢順天府通判三載書稱最得推恩贈父
如已官母黃贈安人姚封太安人配黃安人尋
擢都察院經歷各道御史爭圖便差公持資序
不曲副多致憾嫉踰年轉中軍都督府經歷遂
擢廣西按察司僉事甫蒞任聞姚太安人訃服
除改山東奉勅提督北直隸屯田兼管糧草

嚴限督徵 京畿事涉權貴不少假疏乞休不

許正德庚辰吏部以年及例與致仕又五年為

嘉靖乙酉壽滿七十六月二十日以疾卒遠近

聞而悲之蓋公數歷中外幾四十年於先世田

廬未嘗增拓既致仕家居隘甚屋西稍葺數椽

曰西翠小堂日坐其中稽經訂史罕與人接於

世故分華泊如也充養內腴貌溫而言確詩文

清雋近時鄉名輩有古意可範俗者如公邈不

可得已悲夫子應文郡庠生側室朱出娶吳孫

山齋集 卷十八 三

永熙永燾永鰲女長適黃刑部文器之子瀛次

適黃僉憲世英之子國子生觀次適方貳守恒

謙之子鄉進士從鯤俱黃安人出又次適方方

伯文玉之子國子生直側室梁出瀛從鯤俱天

二女守節無玷蓋得之家教云黃安人先卒葬

于楊山至是應文卜以嘉靖丁亥十二月二十

九日未時奉公柩合窆先期具事狀請銘予曰

公與素翁同宗且受知最深是銘宜翁為之曰

翁病辭以屬公亦先君意也迺序而銘之曰視

翁病辭以屬公亦先君意也迺序而銘之曰視

官之能徵厥施視官之守徵厥遺始職一校陟
臬司歷官三紀守故蓄瑩然渾璞絕瑕疵聿求
古人其庶幾我銘其藏無愧辭

明前文林郎潮陽縣知縣友泉宋公墓誌
銘

宋氏自節推諱銑者自晉江徙居莆之後埭族
久以大國朝沐陽訓導公諱勸國子助教贈
禮部主事公諱汝勤仍父子儒職以學行稱主
事生立齋公諱端儀博極羣籍遠尋程朱遺緒

山齋集

卷八

四

究其指歸作考亭淵源錄其他著述尚多海內
推爲碩儒官終廣東提學僉事廣人祀于仰高
祠是爲公父妣封安人黃氏慈而能訓故公德
器夙成弘治乙卯鄉試名第一卒業太學銓授
廣東潮陽縣知縣潮俗豐侈大姓喜武斷持陰
罪相構陷公至朔望矢于神絕苞苴請托開諭
以至誠解仇脩睦小大咸懷往時民糧差役偏
重公總一邑丁糧通融均派民得以紓允可以
省費裕民者悉心爲之而尤汲汲於正風俗造

就人才會兩科供事場屋多所薦達因而成名者甚衆有鄉宦陳洸者橫甚因請托不行銜公嗾監司羅織以重罪指使劇賊曾鉞頭誣以賊賊終不忍加污民有李戴琥連氏者甘受撻死以直公寃故其事卒得白公久繫無聊嘗作訴寃錄會洸君言路肆排善類搖國是臺臣有得公訴寃錄者封以上聞 詔遣官往訊得其實洸夤緣奏辯逮公下 詔獄廷鞫洸所奏公事

無一驗竟奪職爲民初公去潮赴廣民奔走省

山齋集

卷十八

五

下者百千人致薪米以調其乏公再經潮民湏洞出迎爭致金幣爲贈却不受迺合所却金建生祠于北衢聯石爲巨碑以翰林編脩王君思時謫官鄰封知其詳屬爲之記里巷刻小碑以十數又於東山穹石大刻清慎仁愛宋公去思洸惡之毀祠與碑洸死衆復脩祠重刻碑時節致水土物候問生慶死賻雖古循吏不能過然公亦坐是忤豪右荐罹大禍瀕九死不悔方被

逮時所親送至郊環泣公慷慨言曰 聖明在

上生還。有日何遽。生哭人爲也。一咲而別。來逮者錦衣衛千戶常忠廉。公居官貧。絲毫無所取。且善視之。許其子曰敏。從當是時。權勢赫焰。禍叵測。卒賴公議扶持。不然。身家俱碎矣。公旣幸脫禍。時與鄉耆舊林翁孚可輩爲逸老會。取樂山水間。其於世故泊如也。家雖世宦。無厚蓄。訓導助教祠田薄。公割私田以助構專祠。以祀立齋。且倡脩大宗祠。割地租以充祠費。脩始祖節推評事公墓。而弁及先世諸墓。割田租以祭。蓋

悉心致孝於其先。而施及姻族舊故。率厚無薄。其所遺於諸子者。衣食僅僅而已。立齋公在。廣得士心。其門徒繼宦。吾閩公絕不干以私。嘗曰。低首下心爲兒孫計。吾耻之。其宅心靜定。言有物而行有恒。庶幾前輩之風焉。名嵩字元翰。以字行。更字良翰。號友泉。配黃氏。行人司副。乾亨公女。端靜善持家。側室林氏。陳氏。凡三男四女。長曰敏。郡庠生。娶林長史希瑩女。繼娶林次曰徵。娶黃主事文器孫女。次曰敦。娶林貳守克容。

女先卒女長適方鄉貢思久之孫惟忠次適余
子詹事府錄事泓次適方尚書簡肅之孫郡庠
生夢升次適吳憲副約中之孫紹宗孫男四人
大勗大昌大景大旦女六人嘉靖丙申公年七
十一矣秋間忽遘疾八月初三日卒於乎傷哉
公嘗於文賦里梅庵山營治二壙至是曰敏結
砌完固卜以今年己亥正月四日奉公窆焉虛
其左爲黃氏壽藏同社友林翁以永述行狀余
姻且友也爲之銘曰惟宋家學世擬河汾衍及
山齋集

卷八

七

立齋益廓有聞公受型範德器融渾首解省闈
卒業成均柄授則優薄試一邑式徵往轍矢心
舉職爬梳宿垢狂狡帖息撫摩以仁大小悅懌
儉人弗利巧事羅織百折艱屯終觀天日祠毀
載飾碑毀載立惟潮於公永垂血食考德論世
我銘斯石

中憲大夫四川按察司副使吳公墓誌銘

嘉靖十二年臨淵吳公年七十矣公素疆健條
邁疾彌留亟召諸會友屬處分後事少間作詩

訣別其落句云而今採藥武夷去流水桃花春
鳥聲又詩別其弟取殮衣閱之九喪葬事皆預
授意以行十一月朔日遂卒嗚呼死生大變也
公處之超脫不亂如是其素所造養足徵矣公
諱希由字約中號臨淵唐莆田知錄公良之後
世居可塘後徙泄口俗仍舊名墓堯實泄口云
公自其少時從鄭司訓體健學于城中愛其名
物爰自蜀歸遂卜居城右然泄口族黨在焉迺
與二弟希瞻希平恢拓舊宅往來居之示無忘

山齋集

卷八

也始由弘治己未進士授南京刑部主事決滯
摘伏有聲丁內艱服除擢署員外郎尋晉郎中
聲績益振出僉浙江按察司事後改提督兩浙
及南直隸蘇松等處水利屯田兼督捕盜賊前
後凡三奉 璽書以行職務繁劇矢殫勞勩濬
淤築隄化荒爲沃民相率立石紀績都憲俞公
特奏旌之復屯田舊額而釐其宿蠹會劉賊渡
江公以兵屬總制陸公卒成擒擢四川按察司
副使備兵威茂其地犬牙番夷時扼險肆掠爲

憲公至宣布威信增堡峙糧謹其間謀番不敢
犯會巡撫馬公用兵征勦竟以道險失利九有
事于軍者皆逮罪公以不乏軍興獲免然公歷
事兩朝宦情已厭適巡按有與公不協者遂
上疏致仕而歸巡撫許公移書留之不可僚吏
有持金追贖者公矢之曰予所受若贖者覆予
舟其人慚而退既抵家杜門養望與林翠庭暨
余數人爲逸老會凡莆山川諸名勝處遊迹殆
遍繪圖賦詩詎今六七載而公遽溘然先逝矣

山齋集

卷八

九

於戲悲夫曾祖中允祖光禮父文英贈承德郎
南京刑部主事後以僉事階加贈奉政大夫母
劉氏封太安人贈宜人公未冠而奉政公卒撫
教二弟甚恩而二弟卒賴以有立脩祖墓增祭
田葬族之不能葬者十喪姻族故舊授館給祭
遇旱捐粟濟饑朱郡守衮書公名于義芳亭以
示勸遇人曲盡忱欵不虞人欺余嘗戲謂公某
嘗給公以某事某事信有諸公咲曰吾未嘗欺
人而人每余欺何邪其渾涵之量長厚之風篤

實之操猶不失前輩風度而今不可作矣娶陳氏封宜人教諭徵叙女子長綾舉鄉試娶余繼林俱先卒次紳亦舉鄉試娶方布政介卿女綾無子公曰大宗不可絕也迺擇從姪之子紹宗後綾割家產之半與之無少顧靳是亦常情所難紹宗娶宋大尹良翰女女三長適鄭教諭貴貞之子珊次適翁少叅世用之孫格次適黃郡守弼甫之子日孜孫男三策三聘公嘗手營墓域于澹頭山之麓啓封不吉紳等復改卜焉已

山齋集

卷八

亥始葬于城南之鳳山謀以十一月初九日奉公柩窆焉先期奉其族衮光祿卿紹曾氏狀請銘嗚呼是尚忍弗銘乎哉銘曰叔風斯頽亡羊者岐琢雕返朴典刑在茲瀦流成淵旣沛厥施揚颺激石斂而寂而結壽俊兮娛風熙溘朝露兮日已晞翳考德于千祀兮劓此珉詞

明封承德郎戶部主事長樂鄭君墓誌銘

鄭本姬姓五季初有諱攝者自河南光州入閩居長樂長樂之有鄭始此傳十七世至封君諱

明允字孔信以字行別號海峰其曾大父棟大
父永昭父伯容妣任氏任之喪封君方九齡哀
毀如成人稍長與兄州守孔明並治舉子業名
寢寢屈其流輩已而以父老輟業幹蠱俾兄得
顯學州守領鄉薦語人曰弟實任勞成我父疾
亟封君憂惶嘗糞祈代歿哀毀幾絕其教諸兒
慎擇師允登降拜揖蠶灑下及几研髮禡之彙
皆斬斬授以成法見者不問知其爲某家子族
子姓肅肅稟進止歲時聚會爲誦先世遺事疊

山齋集

卷六

十一

疊不忘孤嫠無踈近度力賑給於窶喪亦然與
鄉人期云云卽非已所便必力副曰無失然諾
也性喜賓客雅爲賢達器重大司空林公廷選
少叅王公有恬皆稱老友鄭少谷善夫亦曰見
海峰使人檢過不暇上虞潘君府尹長樂日就
封君諮所以振舉風教者行之賓之鄉飲屢不
赴其行誼孚於人如是配卓氏贈安人先七年
卒繼林氏子男三長慶領鄉薦次寅邑庠生卒
季憲舉進士授戶部主事值 恩例封如其官

今改刑部女二適陳某陳某孫男二誤邑庠
生易孫女二封君生天順戊寅卒以嘉靖乙酉
正月二十二日視生期先一日享年六十八墓
在石龜山之下卓安人葬焉憲聞訃奔歸卜將
以君合窆持倫太史以訓所述事狀泣而乞余
銘余素昧君而識憲也沉粹力學歷二部有稱
可以知遺教矣是宜銘銘曰坎爲澤以時施維
家是範維鄉是儀維其子之遺寵光日遠典
刑在茲烏虜石龜盤鬱兮塚累累揭此銘章兮

山齋集

卷八

十二

永厥垂

明文林郎直隸威縣知縣西軒林君墓誌

銘

往歲予謝事歸進謁母家館于中表弟西軒所
其時水南士夫仕而休者至十數人日延緣讌
集以爲樂屈指未十年嚮所與遊者淪謝殆盡
而西軒以歲嘉靖壬辰四月十七日卒自是予
水南之跡遂疎時一興慨焉今年乙未西軒之
子泓將圖葬事泣請銘於予予尚恐銘吾西軒

也哉西軒諱嵩字朝高姓林氏吾母淑人從姪
也會祖季禮祖原時父學勤母姑青朱氏早卒
學勤公質直拙治生晚年家益貧西軒稍長知
無世業兄恃途苦志力學晝吟夜誦矻矻不少
休以儒士就府縣試提學試輒首其列科場屢
躡正德庚午始以詩經中鄉試第十三名林氏
自宋進士諱龍者始居水南之琳井後遷書街
稱詩禮舊家至長史世祥公始登賢書以學行
聞于時至是西軒繼捷門戶益以振筮仕武強

教諭待諸生樂易勤於訓迪隣邑聞其經學不
遠鼓篋來從多所成就將九載陞廣平府威縣
知縣威雖隸畿輔然簡僻頗易治西軒才優爲
之賦登訟理爲畿縣最按部之使喜苛密西軒
度不能曲意取容遂解組歸時水南書院新成
西軒卜居院旁而與前十數人者朔望爲會登
降周旋衣冠濟楚而西軒姿貌偉特豐下美鬢
髭風神開朗遇事迎解人亦樂與之親於居後
闢一室照闔淨爽移度花石日邀賓朋爲娛老

計居無何而大故及之年僅六十人咸爲之惜
云配孺人戴氏先卒男深濡俱夭泓邑庠生娶
楊長史國本女淮側室陳氏出議吳知縣洲女
西軒先治墳於湖嶺葬厥父母旣又改葬二親
于今湖嶺之前以配戴氏男濡祔於左矣茲西
軒當祔右卜以是冬十二月二十八日窆焉虛
一窳爲側室曹氏壽藏爲之銘曰旣揭而起之
復從而圮之孰握其機而張弛之甯沕穆而莫
測具造化之終始嶺前卜兆川流山峙慶澤孔
山齋集

卷十八

十四

延式徵茲紀

明奉議大夫廣西桂林府同知致仕澄溪

黃君墓誌銘

澄溪黃君濂甫旣謝桂林同知府事歸涵江間
以事入城府輒偕張大尹文相柱顧余南郭草
堂余或遊郡北諸山二君必持榼留欸徃來相
好也比余起廢道出涵江辱祖餞及歸復迂于
忠烈之祠其時覺澄溪貌稍衰神采異昔心訝
之又二年君以疾卒時嘉靖六年丁亥八月二

日也享年六十有九其子茶陵州判官桂華奔
訃歸棗圖襄事介姻友國子監丞西洲林于石
謁余請銘余以老弗任筆硯再濡桂華曰先子
遺命必欲得公銘以塋西洲曰公不忘舊好幸
惠徼而銘之以姚郎中蒙齋在養所爲行狀進
按狀君諱守濂字濂甫因號澄溪其世居涵江
唐崇文館校書璞公之裔曾祖孟舉祖孚仲考
恒仁俱以隱德世其家至君始以書經中弘治
壬子鄉試第十二名明年禮部會試乙榜授六

山齋集

卷十八

十五

安州訓導嚴課諸生日與講解風雪弗少廢以
績登擢知睢寧縣值淮北荐饑多方賑貸人多
得全活宿徐二州漕涸舟膠撫臣委君疏導君
嘆曰是豈人力所能濟哉乃籲天夜禱雨大注
舟行無滯役夫歡呼解散 榮府之國道邳撫
按以邳守弗任委君供應百需取辦無缺以能
擢橫州知州橫當孔道民夷雜處漢土官兵征
調及安南貢使往來旁午隨宜接應民不告擾
脩橫誌列于名宦再轉桂林府同知隸省下尤

任不劇巡按有不悅君者君嘆曰古人謂三宜
去吾可不見幾乎遂告致仕歸脫然無繫悵意
君諳委世故與人交有禮而識鑒尤精睢素乏
材君擇其穎異力加振作遂有高瑁者登第為
睢破荒廣西文場以外簾閱一卷口是宜為解
首及拆卷乃屠楷也果協士論居鄉泛愛嚮往
名達先輩陳公繼之以死難無後率衆白之郡
改龍津社為忠烈祠以祀朱郡守以聖妃宮為
壽澤書院君力贊其役皆為風教之助兄之子

山齋集

卷十八

十六

桂芳桂林幼孤收恤如子遺命桂芳割田租五
十石房一區與之桂華及弟靖江王府典膳

桂秀女適李道泰者俱元配顧氏出桂叢女適

陳萃賢者繼室趙氏出孫男三湏因湏一湏奮

女四曾孫男女各一墓在興教里西庵山允三

窀君墓中左顧右為趙壽藏墓年月日為嘉靖

八年己丑十二月廿有二日銘曰粵維潯江薄

海一廛士多業儒以進取類或偃蹇以弗宣吁

嗟澄溪既貴且壽厥世孔延豈所畜者宏不圖

俗以遷故獨享其全徵信後人我銘斯阡

山齋集

卷十八

十七



外以國姓辭草其金辭奇於入好於神料

鄭山齋先生文集卷之十九

莆田山齋鄭岳 撰

曾孫 炫編梓

墓表

處士張君墓表

嘉靖五年丙戌二月二日南坡處士張君惟正卒于家其冢子文鎬方試南宮中式越三月廷試第進士試都察院政五月十七日始聞訃匍匐就道哀毀幾絕旣抵家亟圖葬事予以是

山齋集

卷九

一

冬十二月十二日窆焉其墓在縣北五里許其地卽君所取號曰南坡者君嘗手營其麓葬其配陳氏茲君之葬也文鎬請于方都憲松厓銘之顧未有表碣復於余請泣且言曰二公鄉之望也吾先君得惠徼以垂不朽不肖孤亦得以少逭罪責余謝不可迺受狀而讀之君諱基字惟正世居縣郭蜚鳳山下鄉人稱曰縣張蓋仙之著姓也肇居于唐招討副使公濟入 國朝有諱鏞者爲儀禮序班諱洪者國子上舍君之

高曾王父也祖琳早卒祖母王氏以貞節旌于門父炯號水月母周氏生君兄弟三人君其季也家故裕至水月時訕舉羸卒之日舊產多棄而取貸者蝟集母孺人深以爲憂君跪曰是毋庸慮兒能任之迺棄舉業治家政綜理節縮動有矩法以嚴御家衆不憚勤瘁久之家漸振棄者復而貸者酬操其餘以拓居第以新祠宇舉三世之喪而安厝之不令二兄均任其費正德己卯寇入縣居第蕩焚君又獨出貲完構而文

鎬適以是秋舉鄉薦人以君積孝義宜受其報晚得末疾謝人事於屋西構祠置祭田於南坡置墓田凡爲燕翼謀者莫不備舉庶吉士林汝兩所述行狀謂君能光前裕後信不誣矣况有乎文鎬駸駸嚮用其顯揚于他日者固未艾也文鎬二弟文鏃著錄邑庠文鏞方就學皆秀發五女皆嫁士族孫學澄學浩其詳具墓誌余惟剝而復蠱極當治天道與人事每每相乘若張之中微賴君復振所謂幹蠱用譽碩果不食者

徵之今尤信余故表其事以爲世式

明旌表孝廉文林郎雲南道監察御史如
賓陳先生墓表

先生諱茂烈字時周浙之瑞安人曾祖伯洪功
授興化衛總旗世其籍先生少孤且貧親負土
葬父事祖母及母曲盡誠愛旣得祿迎養母母
益老棄而歸養人謂之孝舉進士節推吉安入
爲御史盡瘁舉職有水蘖聲廬舍服食如寒畯
人謂之廉始治舉業卽慕古顏曾氏爲省克錄
書所獨得者爲靜思錄又嘗面受陳公甫靜一
之訓玩心淵微動不渝禮世稱孝廉殆未足以
盡之

天子聞其賢食以晉江學祿辭特給月米以資
孝養辭不獲始受及卒表厥宅里祠鄉賢優給
其家蓋異數也年五十八無子以族子遠揚後
旣葬方伯伍公符郡守馮侯馴郡丞李侯縉箴
推傳侯朝縣尹雷侯應龍立石表墓其友山齋
鄭岳括狀中語劄之使觀者式焉

鄭山齋先生文集卷之二十

莆田山齋鄭岳 撰

曾孫 炫編梓

贊

頤晦像述贊

頤晦林子汝儀系出唐九牧端州刺史葦公二
十三世孫中都留守司經歷古惇公季子也卜
居于小西湖曲環植花竹構亭臨池上日操琴
賦詩悠如也旣又曰是未能遠去塵囂迺爲溪

山齋集

卷五

一

閣于木蘭北渠古樹輪菌奇石磊砢開軒臨流
日操琴賦詩悠如也稽經訂史旁引百家衆流
於古今理亂人情物理之得失輿圖山川形勝
無不究竟而各適於用旣又曰是未能去智離
形而累於物也迺危坐一龕取子朱子讀書錄
中調息箴及諸道書而讀之以脩精靜養爲事
然亦不數數爲之也居家以司馬溫公雜儀從
事閨門內外斬斬僮使什物飲饌皆有矩度以
士業付其子而觀其成涇渭內寘而詞氣欵洽

未嘗失色於人人亦未有以非意干之者海內
名流多以氣味相與每從其族丈見素公遊特
器重之日擴所未聞學益精詣詩有頤晦集梓
行若干卷大司徒邊公貢諸弟考功達序其端
謂其詩有盛唐人風韻讀之者令人心醉焉余
與翠庭嘗與仕而休者數人倣古結社頤晦以
屢招獨以布衣預焉古所謂逸民獨行之士若
頤晦者非狎蠻袍高帽古貌脩髯瞻其像可以
知其人矣贊曰古者士舉於鄉起巖穴而登卿
相者有矣漢去古未遠三公察舉公車徵召有
孝弟力田賢良文學經明行脩之類亦往往得
人而用之自科舉之制興而諸科遂廢士雖有
異能足以經世澤物竟阨於不得施若頤晦者
使階一命之寄其所建立豈愧科甲之士乎惜
哉雖然卽其所蘊亦足以暴於世而垂之不朽
矣

黃郡丞如雍巾服像贊

頤然玉立容之舒也瑩然丹渥色之愉也候色

而言占足以趨儼然禮度之不踰也堆床袍笏
君家故物而葛巾野服亦奚慕乎山澤之癯家
學淵源文軌道樞惕然而深省思振先烈其獨
不懼與其四如與

王美璞像贊

教不問贄喪自守廬人集于菀我集于樗故自
謂曰東愚儼乎其容之肅溫乎其色之愉衣巾
楚楚舉止于于望而知其爲讀書考禮之儒

陳敦和行樂贊

山齋集

卷三

三

貌偉而豐神清而靜家學得元方之傳世澤衍
太丘之盛奚蠖屈而未伸豈遲速而有命左琴
右書優游嘯詠維石之奇維竹之勁諦觀物理
會予情性

劉子賢像贊

先生未嘗以貌假人疾且革所親挾畫史來視
先生背面而寢曰非吾志也今觀是圖果得先
生之貌乎不得其貌况於先生之心乎愚嘗考
其世纂其言述其行庶幾傳先生之神於千百

世之後

贊宗衡冠帶

藻繪文章璧水流香樹標賢儁立幟科場聰明
天植技藝兼長堪輿得祕衆史亦良是謂不世
奇才有儒者氣象以故天朝褒異錫之冠裳



鄭山齋先生文集卷之二十一

莆田山齋鄭岳 撰

曾孫 炫編梓

祭文

祭尚書林竹田公文

昔正德間吾閩諸老同時謝政若太宰泉山林
公司徒成齋林公都憲新齋王公與我竹田林
公皆以耆德請老家居出入聯輿時節燕會人
望之若羣仙然泉山坦洞愛人成齋約身勵行

山齋集

卷五

一

新齋英偉敏達公處於其間宅心篤厚勤已務
施大彙泉山溫慎自將不露圭角大彙成齋而
材識精練較之新齋疑又過之要其所就各能
成章爲閩一時人物之盛十餘年來泉山諸老
相繼淪謝獨公靈光巋然今又已矣 國亡耆
舊鄉失典刑其誰不悲如岳迂陋誤被深知逆
藩構禍力拯于危去秋一見肝膈相語悽然感
懷已覺淚枯詎意淹留遂成永別嗚呼古人炙
雞絮酒千里赴喪茲隔數舍不能匍匐往哭深

愧知己之報尚圖文字紀述以垂不朽惟公其
歆之

又祭竹田公出殯文

維年月日南京工部尚書贈太子少保竹田
林公賜葬妙峰山之原岳以道阻病羈不能
往助執紼遣子泓致薄奠而告以詞曰惟公德
性冲融宦業炫赫盛滿弗居歸休林壑推厥波
餘惠及三族鄉國著龜於公馬卜望耆考終神
遊寥廓帝念舊臣勞蹟宜錄贈官祭葬恩數
繁縟哀榮始終寔收完局我猥受知恩同骨肉
北望興哀心往跡踟東芻遺奠輸此衷曲

山齋集

卷三

二

祭旌忠祠文

正德己卯夏六月十四日寧藩逆賊宸濠叛巡撫都御史

孫燧按察司副使許達即日同死忠而督諸南京戶部主事馬思聰布政司參議黃宏以械繫囚辱亦先後卒祠祀四公廂曰旌忠云

逆藩蓄亂蓋已有年威劫守臣毒流江孺我罹
其殃幸全首領永清再謫益驕以逞自古亂賊
忠正爲仇一朝發難勢不但休孫公許公甘心
就戮惟黃及馬義亦不辱生而幸免死而完節

不朽者存於今爲烈惟 皇軫念首 詔褒錄
尚書都憲 卹典漫漶念惟四公並宜血食少
叅主政恩當次及我猥起廢復撫是邦瞻拜遺
像目瞬心降議飾新祠用稱 明詔先茲告虔
撫膺一吊

祭時雨叔祖及其子以正叔文

維公之德實殖而豐楷範鄉閭嶷然朴茂長者
之風爰暨公子聰慧爽閎厄於數奇飛不盡翰
而能勤嗣公志以拓公開植之功壺山之南壽
水之東凡稱壽俊而享有盛福者必首齒乎公
天不勲遺公遽捐館而公之子亦飄泊殷墟不
越歲而迈襯于堂善門寡祐典刑日亡暨獲筮
吉爰肇斧封岳忝在宗戚泣視公窆有涕汪洋
崇肴于俎載酒于觴臨風一奠文以告衷

祭吳臨淵憲副文

嗚呼同社七人公今逝矣撫跡傷懷其何能已
公資樸茂公性寬慈毋我負人寧人我欺蚤掇
巍科廻翔郎署執法臬臺建牙邊戍盡瘁效績

蓋亦有年丘園繫念拂衣來旋迺拉吾儕歷尋
幽勝衣巾古雅優游觴咏斯文情誼篤老彌真
睢陽洛濱庶幾昔人公方稀年一疾遂劇迨既
彌留作詩永訣採藥武夷遺世登仙死生超脫
夫豈偶然老成忠厚典刑日遠叔風斯頽如水
撤捷真率社規永矢弗諼茲辰會哭薄奠告虔
祭大理丞李壺塘文

惟公系出有唐制幹之裔莢葉流光厥聲世繼

公有異稟俊爽踔厲矯辭振策芥拾科第出宰

山齋集

卷三

四

桐鄉朱邑高跂入爲御史柏驄遠避迺總臺章
迺丞棘寺羣僚拱手漢廷老吏人各有能文學
政治公實兼之蓄未盡試翠壺白塘菟裘終計
招我朋儕歌遊勝地晚忽嬰疾苦於踈盤年幾
及稀溘爾長逝慨念平生俯仰一世會哭寢門
潜然出涕

祭壻黃君

又

吾與若翁同舉于鄉同官于部志莫逆也方若
初生吾女在孕誓言結昏成佳匹也若翁不幸

中道殞絕吾爲若憂未成立也習性沉靜儉朴
寡言吾爲若喜無縱佚也連產皆女一男不育
吾謂若少俟他日也吾昔起廢相從省下大誼
諄諄誨以密也別始逾年書報若亡殷憂無端
朝復夕也兩世一身終鮮兄弟姑嬪相依何慘
戚也謂有遺腹或存一脉旣又生女望如失也
吾囑吾女誓志弗辱撫教嗣子求血食也萬里
寄奠榻筆涕零若尚有知鑒予臆也

祭同年陳珍之文

山齋集

卷五

五

公爲諸生已負奇氣公居學職已負達才大器
晚成果射甲科遂擢御史曾汰僧田丰裁凜凜
持斧入蜀 詔取妖僧公疏止之土番犯境公
毅平之闍寺侵權公槩清之乃出藩臬兩賑浙
貧輿論尸公重茲鎮卿馬政頽弛公至一新駭
駝蕃息台秩旦榮一朝遘疾忽然僊昇不肖與
公叨在年未欲承風旨公已近觀式薦陳詞英
爽如昔嗚呼哀哉尚享

鄭山齋先生文集卷之二十二

莆田山齋鄭岳 撰

曾孫 炫編梓

書

報閣老蔣敬所公書

聖主眷念策立元功大加封拜此近代所未有也我

太祖開基定制與漢唐宋不同文臣不許封公侯是以楊文敏金文靖楊文貞皆有非常之功

山齋集

卷三

僅止加官兼俸廕子而已固未嘗受封拜也

制勅之下舉朝仰企以觀諸元老所以處此者

謂必力辭則 朝廷謂大臣體國不卹其家益

敬信而倚毗之矣宦寺勲戚謂儒臣自重不可

羅以寵祿益嚴憚而屈服之矣中外臣僚亦咸

謂宰執讓功自消其干進速化之念矣其係於

國體士風豈細故哉

丘戌郡城陰全書無存僅記中之警語云

寄謝林竹田書二

臬不幸遭此奇禍親故背馳公獨惓惓救卹兼

致厚貺自以爲莫大之惠矣詎意復枉茲行脫
某于危舉家百十指皆得生還田里者皆公賜
也途中跋涉委曲周視骨肉至情亦不過是不
知何以得此於公固當子孫世世追念於無窮
也小兒泓旣返省城遂以二十一日發舟茲過
鉛山幸入閩境途暑因往武夷一憇歷覽名勝
情趣悠然恐家中懸望遣泓先歸遂至省城叩
謝府中相待始末泓能道之統祈垂炤不備

某生還故里士夫親舊咸相慰唁且謂此舉非

山齋集

卷五

二

公幹旋安能有是公一舉手而士類咸受其賜
矣豈特不肖一身一家之惠哉所喜老母暮齡
尚爾康健奉歡膝下以終天年實天假之也知
幸知幸乞休前疏此時想已得報後疏曾發行
否台候近復何如天氣漸涼人事稍閒精力當
能復舊強健乞身古人所貴而始終完名尤爲
盛節某禍變之餘百念俱灰耽玩山水時從見
素諸公游了此餘生足矣自抵家卽欲遣人奉
候起居人事冗奪因循至今愧罪愧罪頑子親

期已近且閔其孱弱故不遣之來併希鈞照

啓廖雲卿郡伯

索居寡便久缺奉問緬惟宦况清嘉為慰莆士
習日不如前而氣運亦否一二年間三京堂皆
去位其他妙年英畧相繼歸卧今列在朝著者
僅三四人耳前無是也如何如何執事碩學清
操久處遐荒未見一轉遷又如何如何想冰蘖
襟懷亦不以喧寂為意也莆來賢操存堅確終
其身可保者執事與陳若寶而已某邇來益覺
衰落不堪鞭策眷屬幸皆粗遣令姪世篤甚能
儉約立家世行勤學才亦可進想亦欲聞也餘
草草不克悉

與族祖

某在任將滿四年茲當進表北上且圖考滿之
便愧無他才能朝夕謹守清苦恐遭廢黜重為
祖宗門戶之羞待傑回當能備悉薄有綿花少
許將遠情耳

與宋良翰大尹

恭審科場畢事得免止行甚善甚善跋涉風寒
殆不易堪况又有巨費刑清名籍籍播於嶺表
振家聲而副物望亦姻舊所共榮也公道終不
負人願自愛願自愛

與方思道憲副

在衢與寒谷預議託族子士望先容奉屈一會
急足未至而辱使先臨詞旨諄復及披閱諸作
如入武庫應接不暇自是一種風情絕粒烟火
者也特恨無能面領至教仰嘆仰嘆小集并近
作漫往雷門布鼓聊博一笑

山齋集

卷三

四

東陳時周侍御三

昔人有言一日養不以三公換而家貧親老則
有爲祿仕者往時林公長深出於自陳而且遠
適其鄉若兄杜門掃軌無求於人而恩數自天
尤爲難得適尊足以勵俗地近可以養母何樂
如之某始至江西訟牒紛然恐綿劣不堪如何
如何前示家兄序文甚精當所謂詳而有體者
也某始讀之不覺流涕蓋有感於往事也未後

數語謹當與兄共勉之

近得家信附錄尊兄乞歸之疏讀之愴然殆所謂流出肺腑者也古人以善養不以祿養兄得之矣某亦報劉日短之時兼以家姊舍妹相繼喪逝情不可堪而一官羈縻如何如何中世士大夫以官爲家罷則無所於歸兄之篤行安貧處人所難而吾莆名公先輩之風賴以不墜其爲士俗之助多矣某嚮往不逮竊亦不敢自棄時幸有以教之瑣瑣不備

山齋集

卷三

五

周長教來恭審尊體漸適太孺人康健如昨足慰足慰充間尚未有消息未免復爲兄慮近者江西有一術者能談貴造方此三年決然有子術者之言多諛而無意之談則爲可信天命人事固當久而定也偶聞王方伯明醫雜著所論血病不宜服人參黃耆以皆氣藥氣盛則血益衰兄之病正坐血耗耳參耆似不宜服只以四勿爲主此書不知亦曾見否家兄收有刻本可取觀也昔呂獻可疏云臣本無宿疾偶值醫者

用術乖方其言蓋有所託今之疾亦甚矣而醫者豈特乖方而已奈何奈何便中錯認無任懇懇伏惟琢衛不宣

寄竹田司空

數月來缺於奉狀豈勝愧仰去冬小兒畢姻繼以先世荒隴重加脩砌人事匆冗遂爾踈闊然此心未嘗一日不繫戀於左右也亦久不承台札不知出處何如繼所陳疏亦嘗得旨否尊體近來想益康裕兩廣事情想已處分無足以

山齋集

卷五

六

煩尊慮矣凡此皆切切所欲聞者也黃伯望自赴廣不得手書莫知事已如何淹延尚未得歸而吏部更調竟亦不爲之所今爲伯望計者只宜決策休致耳臨楮悵悵不盡所欲言人還伏惟示教

復于成

承手札及疏稿具悉立志不草草且欲退處一步甚善然自來無此例巖翁初聞蹙然不喜區區與素翁亦怏怏不欲爲呈也盛价以有命必

欲進竟亦立案徽士夫聞之亦力阻第初政未久而風聲已能動人如是幸寬慰大抵治劇須簡而舉其尤要者若一一勞心務求件件如意日不暇給且人之精力有限安得不困且病哉九事且循舊規不可過激郡中公用只引錢一項別復去之則束手縛脚一事做不得豈不後悔聞同官亦有難處者此固他山之石也盛价回略此布悃素翁及鄉之知舊皆此致意不具

與李子光

山齋集

卷五

七

人自京回道賢親以文事受知公卿而下咸加器重甚忙且勞固不失儒家味也甚慰甚慰令伯年彌高精神未衰屹然爲鄉耆彥昕生學加進館中合試多在首列殆不易得遠承書儀及示各起奏札知叙復始末但未見一字行至本省部中之議何如同事胡憲長亦未見處置先毋服朱闕又值此時大是難出似舊退閒足矣繼聞又有薦者虞伍二繡衣之疏未見全文便

聞乞錄示瑣瑣幸惟照諒

與邵提學

瞻奉未卽無任引領輒有冒干伏乞垂聽舍親
林憲副莆後進有志節者其所自待也良厚直
少戇若踈耳近聞周玉巖督過其家是蓋憲體
宜然而羣言籍籍咸謂因憲副踈戇而致罪也
僕竊謂不然玉巖於莆有父母舊恩於當今爲
第一流人物在憲副所當敬事而終身焉亦何
所致罪况大人君子曠度宏量於人何所不容
縱有小過亦當包涵而覆育之又况怒及其家
邪以此知必不然然莆俗近亦薄苟有宿怨於
其家者皆窺伺意向而指害之恐玉巖至是亦
難處矣何如何如衣冠之辱亦所宜念也夫子
得罪於父母因諸姑伯叔而解之執事非憲副
所恃而爲之解乎幸委曲一言不勝惓惓至望

柬竹田

嚮承寄謄黃伏讀具見 朝廷優禮大臣始終
之義而公平生忠勤備載 天語足以垂之後
世士君子登仕途完名薦 寵如公古今豈多

得哉且與冢宰司徒二公鼎峙閩中尤爲鄉邦
一時之盛仰羨仰羨竊擬獻圖因陳敦賢偶恙
頗久未能下筆近瘥又適勅至不免人事紛
擾茲方爲之見素之文諸公之詩業且就矣稽
慢之咎無任悚仄伏惟照貸不宣

報竹田

寥千兵來備道晉拜左右辱承優待過其涯分
感愧無量且審地方意外之擾悚息悚息幸藉
天之福掩捕渠魁餘黨誣伏不然其禍可勝言

山齋集

卷五

九

哉省城一搖四方響應矣所委族譜序文謹依
原稿稍加脩飾自作小跋於後愧穉陋不足以
傳遠耳三代而後無世卿世大夫故太宗之法
廢今士夫家所得行者小宗而已然不立一始
祖則不能合族原稿所議巖耕公爲別子梅隱
公爲繼別恐於禮不合某意且祀萬原公百世
之後固當以公爲不遷之祖矣故於跋尾及之
蘭階佳兆如何似聞上舍公子卽欲上京某與
素翁私論今在官者尚欲乞歸終養公僅一子

聽其遠去恐於情義想有未安未行可止果行
止須求南監寄一名速歸省侍如何恃愛敢爾
直突併祈照察

與方都憲書畧

僧之所憚者公也族之所恃者亦公也公卽不
言僧且憚之况爲之力主者乎向伯固在上清
公嘗道其非豈自非之而又蹈之者哉殆不然
也且令先公使于金以口舌折強虜今帖帖於
夷狄之鬼之後其能安之乎恐非所以處令先
山齋集
卷五
公也鄙見如此惟裁之何如

復林于成

二

前數日稍聞尊翁之訃方切悲悼恨不能匍匐
往吊深愧古人之報知已也忽承价至得教墨
始知疾革時日且以行狀見委此豈敢辭第恐
文字鄙猥不能紀述勛德誌銘素翁雖在病中
亦勉爲之卽欲遣人走致薄奠姑候文字脫稿
一併齎上所惠盛儀誼不可受追憶尊翁恩厚
愧無以圖報况區區鄙文耶素翁亦用此意价

還布悃惟照在不具

承委行狀拙筆不足以盡載尊翁勛德聊據所述系而書之中亦參以平生所知未免掛陋素翁之銘則固足傳也幣一端香一炷祭文一軸專人齋奉靈筵庸伸哀感之私區區之情殊未能罄也如何如何輒復有告尊翁平生辛苦創立所以貽後者家事固宜從容善處以全尊翁令名此執事之孝也區區所祝惟在於是幸惟留念

山齋集

卷三

十一

柬王時行兵憲

嚮於令親虔獲親手札備悉官下動靜及出師勞績甚慰似聞贛州莫川太慘兩廣之寇如蔓草然今春除去來春又長一番徒費兵糧而爲冒功者地耳撫禦得宜不然設竒以撲其首惡可已如何如何宋良翰居官畏慎地劇人頑比聞談道朱公責以苛禮頗懷恚怒迺以誑誤照提恐有文致之辜渠當考滿未得行所遭如此歸志已決家故裕母老子幼且鑒前車如吳如

張俱至傾敗不如蚤退之爲高也生與松厓已
爲作書達之揔督楊公乞放之歸執事幸爲禹
言於談道處解釋毋致牽絆幸甚聞子約亦爲
刁惡所陷賊至六百計其家貲不能償三之一
當道亦太深矣林下亦爲之憂故附及之餘情
萬萬不能悉

又

行急承賻唁感愧感愧爲官謀不爲家謀備悉
雅志而才力足以張之意不待書考當有以見

山齋集

卷二十一

十一

處矣閏月林廷元朝正回道不肖擬補蜀藩俟
俞旨伎倆若此時候如此籌之士夫莫適進止
執事何以教之 聖駕北旋海內稍慰千乘萬

騎公私益耗矣宋潮陽事勢已減十之七八多
謝多謝莆士夫亦咸動色相慰况其家乎大巡
恐難再解總督公倘念年家更爲未減俾以布
衣歸第足矣此於情法似亦無妨然尤望旋幹
之力也鄭少叅極荷致力崔都閫深於非所照
恤均乞致謝私鄉事亦少能道之不瑣瑣

鄭山齋先生文集卷之二十三

莆田山齋鄭岳

撰

曾孫 炫編梓

說

崑字于仰說

諸弟崑筮日將冠來致叔氏之命曰崑性猥朴
委志鄉俗學竟無成今年幾弱冠矣猶有童心
幸字而訓之俾循省策勵以無墜門戶重遺先
祖父之辱予曰諾按崑合崙爲一山河源出焉

山齋集

卷三

一

漢張騫使大宛窮河源而崑崙實未嘗到爾見
悶摩尼謂之崑崙而河有二源東北流至葱嶺
而合天下大勢西北多山水循山而下崑崙在
西北最高處謂之天柱其高萬一千里背夷而
面華天下之山皆祖之方士家謂人首爲崑崙
亦借其高而言之耳詩曰高山仰止又曰泰山
巖巖魯邦所瞻泰山固崑崙之支山也字崑曰
于仰可乎夫山之峻嶒峻絕昂霄入雲吾視之
以高邁自奮山之廣厚鎮靜橫亘古今吾視之

以弘毅自立支阜而蜿蜒陂陀而聯續若抑而
伏也若拱而揖也吾視之以孝弟恭遜守其分
之常而不敢肆視其草木之產寶藏之興足以
資民用吾可不務生植畜聚而舍所事以嬉乎
此皆自山發也抑平地一簣吾自往之豈徒引
領於堆青積翠之間已耶崑再拜曰謹受教矣
崑之弟崙亦可因而預教之乎余曰可字崙以
于瞻義同于仰俟其冠以是命之母待贅書也
請以是而復叔氏之命

山齋集

卷三

二

稼坂黃氏四子字說

稼坂黃氏著姓也其先自橫山遷稼坂以詩禮
世其家吾姑氏歸焉傳再世至桂行慶九者中
表姪也慶九祖行六人今傳者四人父行二人
今傳者慶九一人而已慶九今生四子矣盛衰
相乘理數必然要未卽能成立而寢寢向盛矣
慶九長子曰雲臺筮日將冠弁其季春臺烏臺
靈臺請字爲訓且曰是固吾祖母一脉之遺也
不然豈敢輕瀆余惟光武中興英賢翊運明帝

追念其功圖形雲臺爰字雲臺曰思勲老氏云
衆人熙熙如登春臺陰陽交通萬物咸亨登高
望之生意滿睫爰字春臺曰思登烏臺者御史
府也漢朱博爲御史府中列栢烏集其上當時
以爲瑞字以思瑞可矣靈臺者文王所作也方
其經始庶民子來不日成之文王之政怙冒西
北而民心效順如是字以思順可矣幸際明
時無所用武囿一世民物於春臺中何其盛也
然佚能思初沐浴膏澤而歌詠勤苦義奚敢忘
山齋集

卷五

三

烏爲孝烏昔人以此曾參又王之時厥民時叙
若夫豪傑之士雖無文王猶興是在四子者自
勉而已各致其思相觀而善以毋忘故家詩禮
之澤黃之盛自茲始矣

鄭山齋先生文集卷之二十四

莆田山齋鄭岳 撰

曾孫 炫編梓

雜文

感知清頌

正德八年某以迂戇積忤禍叵測同時寮舊懼將及已依違避就間休於勢啗於利落阱下石附和以成文某方坐井無所於告一惟委命於天而已竹田林公自嶺南聞之力爲申救至再

山齋集

卷十四

不已且遺十金爲供費明年擢大司空留都乃度嶺而西至洪面啓寧藩釋某家累同歸于閩允其所以救卹周防之者殆無遺力某公鄉後進嘗爲屬吏非有私厚於公方其危難顛沛之中親與交莫然公獨繫戀救卹之如此豈易得者哉昔郭令公納官以貰李白王佑以百口保符彥卿史冊傳爲盛事其後子孫貴顯累世或位至三公論者以爲佑賢庇善之報公所存無愧二公平生數歷中外所以護養士氣保全善

類又豈特區區一人而已耶。以此卜公之植德委祉以貽來世者，蓋駸駸乎未可量也。某旣釋罪歸時，圖報無階，謹製韻語，賡誄成帙，幸藉是緡之傳，俾酬知己於萬一云。

跋陳古崖詩選

汝瀾因刻是集，欲附以誌銘等作，予曰：不類。迺蹙然曰：誦其詩，不知其人，丁子宁曰：詩本性情，讀是詩，見之矣。且近世誌銘類多諛詞，人不之信，無已，則郡乘之列傳乎？其文約其事覈，且非一家之書也。迺刻二傳。

山齋集

卷五十四

二

族祖清公墓誌銘跋

右族祖清公墓誌銘，得之桃源洞口董山民家，掘地出之。宗人御史洛書力致歸我，以吾蒲坂物也。其石埋頗寵，刻字小宛宛，可讀。誌中所載世次甚明，有可以正家譜之缺誤者。如云：露公梁陳時人，唐觀察常袞推尊鄉先師，表贈太府卿。諸家之譜皆無之，此必別有所據。又謂致政楷公生脩公，遷塗坂塗坂，卽蒲坂也。脩公官南

臺侍御吾家舊祠神主題云始祖南臺侍御二
十二冲遠公舊傳義遜契亦云蒲坂鄭氏南臺
二十二侍御之後而家譜乃沒其官是以新祠
題主以譜爲據又譜云楷公生二子信僖僖公
生衍衍公生致一致一公生冲遠公今誌直以
楷公生脩公夫以都統瑄公宋藝祖時人副使
得南公以景炎丙子葬于石門洞則宋末人矣
宋歷年三百約以世數不應一十四世今以楷
公生脩公僅一十一世且脩與信僖字皆從人

山齋集

卷十四

三

而脩字冲遠其義甚合舉此數端先後契勘譜
之誤明矣夫疑以傳疑非有的據不敢輕改惟
此誌石埋伏百四五年去之五六十里一旦
於荒山古隴中得之且免毀棄破裂之禍使得
有案據上正數十世沿襲之誤其所關係豈細
哉抑亦精神一脉有所感召固非偶然而出也
於是啟題神主脩正譜牒置此石於祠壁而誌
其顛末以詔後人

自大道隱而世崇詭異故劉向稱通儒其傳孝子節婦盡千餘年董董如許又多奇絕而鮮純篤豈其遺者多與抑亦特取難甚者以示勸與然奇者或詭於道而純篤者非可以勉而能也壺前鄭君子會業儒純孝室張氏士於一七苦節厲行孚浹鄉邦無異議焉弁蒂之祥斷指之義蓋咏歌之者非一其子世光繪爲圖題曰孝節雙芳請予弁諸首予惟子會之孝徵於物又爲親而喪其軀張氏斷指以示信又傾貲以送山齋集

卷十四

以主乎其間吾聞世光之子讀書過目輒成誦
則天又必昌之以廣子會之傳而侈張氏之事
於無窮顧其所可與者在純篤而不在奇絕故
特發衆論所未及而序之如此

陳林墳山紀事

祖有墳山一所坐陳林落前元時葬我八世祖
七十八朝奉公暨八世叔祖八十二朝奉公墳
墓二所在上元時立有祭租元季多故租多出
售他姓我高祖大七公以僅存祭租二十四石

山齋集

卷十四

五

與長房曾孫大五公我第三房曾孫貴一公貴
二公貴三公輪收祭掃至今不廢其山原係長
房報戶永樂元年長房大五公已故絕貴一公
收回本山五畝七分入戶納糧隨葬德十公及
貴一公在上至天順六年貴三公之孫時兩公
復就大五公妻林二姐戶內收回山八畝二分
入戶納糧成化等年續葬貴三公時兩公以下
墳墓四所在上近因各房子孫執稱祖山有分
時往砍伐松木時兩公之孫舜卿靜卿等慮公

傷殘風水屢行禁阻且欲因納糧認爲己山以此紛紛爭論不平今以事理議斷其山原葬朝奉公墳墓經今二百餘年矣今見在四房皆朝奉公派下子孫墳旣同祖則山爲衆山也明矣且貴一公時雨公二次所收俱是本山不係私買別姓或別房人物業不然豈無文契可證及查成化八年本府丈量條段內載本山四至實該三十二畝九分明開業生鄭淑清鄭時雨鄭時德三人姓名淑清公則貴二公之孫也其爲

衆山又復何疑若以丈量畝數論之每房該八畝有零若以報戶納糧論之僅一十四畝貴一公貴三公二房先後葬墳六所合除所報山一十四畝與伊載墳外餘山盡合歸衆但自茲以後再不許各房子孫於本山砌墳各墳切近松木俱要存留遮蔭風水其離墳無碍山所松木每三年一次衆賣與人落楸銀兩入祠公用如有私砍者每一根罰銀一錢示衆毋挾私見變

亂舊規毋貪小利破壞大體上以延祖宗覆庇

之澤下以全宗族敦睦之風茲特詳述顛末暨
今戒約付各房收執存照且備錄于烝嘗簿及
族譜以示子孫永宜遵守如敢違悖執此鳴官
究治族第輝卿八十二朝奉公八世孫也自其
高祖貴四公與我四房輪收烝嘗租致祭祠墓
至其祖賢弼公將祭田分去一畝五分遂不預
祭其父宜獻又將所分祭田典與族衆故今只
作四房輪收然而祠堂墓山尚應有分今議冬
至致祭七十八朝奉公墓就請八十二朝奉公
山齋集

卷二十四

七

此
附食輝卿於祠於墓俱當預其祭掃因附記於
族祠祭紀

莆右族必有祠祠必有祭祭之豐約視田之所
入稍存餘利以優族人禮義興焉吾鄭族祠自
吾九世祖副使公始立祭田計租六十石元季
政繁大半入他姓吾高祖大七公以僅存田租
二十四大石照舊輪收祭掃今扣小石三十三
石一斗族衆嘗欲盡賣之賴吾母太淑人阻止

遂傳至今歲冬至祭副使公及朝奉公墓中元
舊設醮後改爲祭矣正月八日處士百十三公
忌祭就掃墓四月初三日供僧初五日妣林氏
忌祭獨於始祖先祖合祭顧缺焉程伊川謂冬
至祭始祖立春祭先祖朱子晚疑其僭然今族
祠旣立始祖神位不得不倣程子之意而行之
也禮謂厥初生民爲始祖吾祠肇祀始遷南湖
太府卿公爲始祖始遷桃源刺史公始遷蒲坂
侍御公皆謂之先祖副使公處士公則嘗立祭

田岳不肖賴先世遺慶幸而有今欲圖報本力
固未贍廼以田租十四石三斗入祠用補立春
之祭兄嵎撥租五石五斗以充冬至之祭嗚呼
私田易售祭田獨得久存以其主之者衆也我
後子孫苟有人心不得擬賣祭田以滅先祖之
祀不孝之大者也族之賢者必能執之以告於
官縱有戶役宜照丁糧俱辦其或脩祠脩墓義
不可已則許抽租或折祭爲之子孫仕宦若富
而好義續增祭田猶有望也今將房分田段租

額并祭祀月日品物儀式酌豐約立爲定規以與各房從事云

世祠祭田紀範

莆世族祭田遠自唐宋傳至今尚存以族衆相維不得私售若私田不過數世輒爲他人有矣以是知祭田最重上以延宗祀下以遺子孫可爲經久之圖吾起家艱難鏡觀是事雖私田不多必欲增立祭田居官中外三十年來祿積買置計租一百五十餘石今世祠始建吾兄弟各

山齋集

卷十四

九

割租二十石及祖遺麥豆租通計二百三石有奇內取石泉院坑租四十九石五斗爲墓田子孫應當軍戶役者給租二十石應當民戶役者給租一十石各與日食餘皆爲祠田總名曰祭田祠墓二田分年遞收歲有豐儉率取十之二別貯木倉至次年三四月易銀入公篋又做他族規例長男生彌月者入銀一兩長男婚而廟見者入銀二兩次男以下各減其半貧則衆議量減公篋所貯主祀者司其數富而知義者司

其財凡以備脩祠墓及一切公費子孫能讀書
選入學者助銀一兩預秋試者助銀一兩預春
試者助銀五兩男女過時不能婚孤子節婦無
所依及喪不能葬者俱量爲資給其子孫仕宦
及積有厚產者量力買租入祠凡祭田糧差伯
仲二房均辦向後本房子孫毋以立田自我規
規藉口致傷和氣甚至侵奪變賣別房子孫亦
毋以收租納糧視爲共分物業希圖侵沒近見
人家不肖子孫指以戶役或與人爭訟輒賣祭
田殄絕祀典不孝之大者也吾宗不幸有是族
衆協力阻執告之官治罪然此特舉其大凡耳
尊祖睦族因時處宜固望賢子孫推廣而潤色
之茲將祭田段落畝數開列如左

鄭汝學壙誌

汝學生於成化癸巳四月二十八日卒於嘉靖
丁亥三月二十九日享年五十有五辛卯歲其
子質夫始克襄塋事獲地於維新里牛眠岡之
陽未山丑向即六以筮貞否悔觀筮者曰吉是

為金來居土之象宜補高承九四之動可也後
必有蒙其祉而仕於王朝者既定穴壘未有日
又筮貞大壯者大事吉也需者需此以定也且
乾金為體震木為用日宜木震變之坎水木相
生必壬寅也果壬寅定為是歲十二月念三日
也諱明德字汝學別號直菴生平篤義好禮勤
本厚植曠懷雅度於人不少疑里有枉直者片
詞而解又輕財樂施無所吝惜賑窮調乏汲汲
如不及舉先世不能塋者四喪皆極完緻性方

嚴治家有度子姪輩見之儼然無敢譁言規模
宏濶欲有所創作以恢裕世業竟費志以歿命
也謂之何哉卒之日人皆為之悼惜疾將革衆
咸請治命只瞑目答曰吾有後吾有後夫復何
言遂終于正寢嗚呼夫以愛親敬兄睦隣恤族
慎終追遠損己益人皆人所難者而享年止此
其有後也宜哉矧視履考占無往不吉則宜其
言之徵也不其信然矣乎配黃氏子男二長即

質夫次亨夫女一適陳學遜孫男二穎頤考琴

字宜和大父志字寧紹皆德弗耀出唐中郎
行莊公後則寔宋漁仲大儒裔云

山齋集

卷之四

十一



48870

07226



